



UNIVERSITÄTS-
BIBLIOTHEK
PADERBORN

Universitätsbibliothek Paderborn


**Addenda, Et respectivè Corrigenda In Editione Secunda
Ephemerologii Ecclesiastico-Rubricistici P. Joannis
Baptistæ Halden, è Societate Jesu, Quando illud cum
Facultate Superiorum denuo in lucem edetur**

Halden, Johann Baptist

Oeniponti, 1723

Præmonitio Ad Lectorem.

urn:nbn:de:hbz:466:1-39948



IN TITULO principali totius Libri verbis: *Cum facultate Superiorum, &c* præponenda sunt hæc verba: *Editio secunda, pluribus in Locis Aucta, & Emendata.* In fine ejusdem Tituli principalis post verba: *Cum Facultate Superiorum, & Privilegio Sac. Cæs. Majestatis* exprimendus erit *Locus novæ Impressiōis, & post hunc Nomen & Cognomen D. Typographi, ac annus novæ editionis.*

Post DEDICATIONEM (si quæ fiet in nova Editione) ponenda est *Facultas R. P. Provincialis S. J. pro tempore existentis, & Privilegium Cæsareum, quò Typographis & Bibliopolis omnibus vulgatos à Societatis JESU Patribus Libros absque Superiorum, Auctorumque consensu recudendi, vel intra Sacri Romani Imperij, & Provinciarum, Sacre Cæsareæ Majestati hereditario jure subjectarum fines importandi, copia adimitur.*

Post hæc ponenda in facie 1. aut 2. novæ Paginæ

PRÆMONITIO AD LECTOREM.

HÆc verò *Præmonitio* accommodanda erit (omissis omnibus ijs, quæ habentur in 1.ª Editione) novæ Editioni, pro exigentia Rerum, ac Temporis. Eidem tamen saltem sequentia erunt ad verbum inferenda: *Illud ante omnia in secunda quoque hujus OPERIS Editione monitum volo benevolum LECTOREM, præter illa SACR. RIT. CONGREGATIONIS DECRETA, de quorum indubitata autoritate ex BARTHOLOMÆI GAVANTI Sacrorum Rituum Thesauo, aut aliunde legitime constat, allegari hinc inde à me insuper quadam alia ejusdem S. R. C. in hoc Opere Decreta, ex aliorum Scriptorum Libris (quos quidem cum suorum Superiorum facultate ac approbatione in lucem ediderunt) bona fide à me relata: Cum verò non perinde mihi sit compertum, an etiam ista indubitata sint fidei & autoritatis, ac proinde non de omnibus, ac singulis in hoc Libro à me relatis S. R. C. Sanctionibus authenticè constet, an extent reipsa (uti in earum Titulo præfertur) in REGISTRO seu TABULARIO Decretorum Sacrorum Rituum CONGREGATIONIS, vel certè in omnibus, aut prout jacent, aut referuntur, cum suis Autographis, seu Originalibus concordent, vel tandem, an omnes legitime sint publicata, aut non saltem aliquæ earum vel*

ex

ex toto, vel ex parte, ejusdem sacri Collegij autoritate ex justis causis postliminò sint abrogata, ideo in ipso hujus Lucubrationis meae limine sanctè protestor, me omnes ac singulas suprà dictas Sanctiones & Decreta, nonnisi bona fide, & in quantum S. CONGREGATIO ea valere velit, ac propalari, in Codice hoc rubricis adducere, & adducta velle; ac sicubi vel ex toto, vel ex parte aliter res se habeat, quàm quò modò à S. R. C. præstenditur decisum, id quoque me eatenus pro indeciso haberi velle, ac recipi, utpote omnia & singula à me exarata ac exaranda Sanctissima Matris ECCLESIAE, hujusque supremi in terris HIERARCHÆ seu CAPITIS, nec non ipsius quoque Sacrorum Rituum CONGREGATIONIS non tantum iudicio, sed etiam Correctioni obsequentiissimè subternens, ac paratissimè emendare, mutare, aut etiam revocare, si qua vel per ignorantiam, vel per inadvertentiam elucubrata, aut tradita à me sunt, quæ limà indigent, vel liturà.

Post PRÆMONITIONEM ad Lectorem imprimenda sunt (sed grandioribus Literis seu Characteribus, quàm in prima Editione) verba illa: Si à Choro &c extantia ante PARTEM I. Ephemerologij, & huic in folij præcedentis facie 2da pariter præfigenda.

Procedendum deinde est ad accuratam Impressionem Editionis novæ ad normam veteris, cum Titulis columnaribus etiam in ista respondentibus accuratè illi materiæ, de qua in cujusque paginæ columnis agitur seu tractatur, & pariter vocabula DOMINICARUM, FERIARUM, VIGILIARUM, & FESTORUM, ac SANCTORUM, quovis mense occurrentium, pariter per Literas, ut vocant, capitales, seu majusculas (reliquo characteri tamen proportionatas, ac magnitudine sua respondentes) exprimendo, uti in veteri Editione; de quo monendi Corrector Typi & Typographus, hujusque Typotheta seu Characterum Collocatores, uti & de alijs, de quibus paulò post. Iisdem singulariter inculcandum, ut, quando in hoc ADDENDORUM & CORRIGENDORUM OPUSCULO ij, qui Ephemerologium de novo sunt edituri, varijs in Locis jubentur aliquid vel addere, vel omittere, seu demere in nova Editione, iidem Impressores, eorumque Directores ea præcisè addant, vel omittant, aut demant, quæ in hoc Opusculo jubentur addi, vel omitti, & non plura, aut pauciora, etiamsi unicum duntaxat verbulum de Textu veteris Editionis remaneat retinendum, aut vicissim unicum tantum verbulum veteris Editionis Textui alicuj sit adjiciendum, aut interserendum. Quia præterea tam in hoc Opusculo, quàm in ipso Ephemerologio de novo imprimendo identidem occurrunt variorum Auctorum Citationes, ex quæ traditis ab Auctore Assertionibus & Doctrinis hinc inde subjunguntur,

idcirco iisdem *Impressoribus* pariter inculcandum, ut ejusmodi Aucto-
rum *Citationes* Textui præcedenti illas immediatè subjungant, etiam si
præcedat punctum, non autem ob præcedens punctum ab eo sejungant
(ut alioqui solent, quando præcedit punctum) eò quòd spectent ad
antecedentem Textum, tanquam ejus auctoritativa Confirmatio, iidem
monendi sunt, non semper, quando finitur aliquod *Caput*, aut *Titu-
lus &c.*, post ultimam ejus lineam faciendum esse punctum, aut a-
liam interpunctionem, sed esse sequendum Exemplar Auctoris, & o-
mittendam esse omnem interpunctionem in fine cujuscunque Tituli, si
ipse omittat. Dirigendi quoque iidem Typographi sunt circa rectè fa-
ciendam Syllabarum Divisionem seu Disjunctionem, quando Pars una
alicujus vocabuli se tenet ex parte præcedentis Lineæ, eamque terminat,
Pars verò ejus altera inchoat sequentem Lineam, ut nempe ea Syllaba-
rum Disjunctio fiat juxta 3. Regulas, quas in *Grammatica Despaute-
riana Lib. 5. Classe 1. Cap. 12. Num. 3. f. 644.* tradit SIMON VER-
REPÆUS, contra quas plurimi ex modernis Typographis peccant.

Ad *Formam*, in qua in Editione secunda imprimendus sit Ephemerolo-
gij Liber, quod attinet, optant quidem Viri non vulgaris auctoritatis
(ut monitus sum Romæ) ut, si de novo edendum sit EPHEMEROLO-
GIUM ECCLESIASTICO - RUBRICISTICUM, illud edatur in *Fo-
lio* potius, quàm in *Forma*, ut vocant, *quarta*, ac melior, nitidiorque
adhibeatur charta, quàm in prima Editione; ad *Formam* tamen quod
spectat, alijs præplacet antiqua. Verùm hujus rei Determinatio pende-
bit ex eorum arbitrio, quorum sumptibus, & auctoritate, vel jussu de-
nuo in lucem prodibit *Ephemerologium*.

In quacunque autem *Forma* de novo sit edendum, accuratissimè ob-
servare oportebit sequentia:

I. Ut *Tituli columnares* (vulgò dic *Columna - Titul*) uniuscujus-
que Paginæ juxta dicta exactissimè respondeant illi *materia*, de qua in
subjecta ipsis *Pagina* seu *columna* tractatur; at quoniam in nova Editio-
ne (utpote hinc inde multùm aucta, ac pluribus in locis à veteri Editio-
ne discrepatura) in Plerisque saltem Paginis & columnis non de eadem
amplius tractabitur Materia, de qua tractabatur in veteri Editione, sed
in alijs diversis, ideo DIRECTOR & CORRECTOR *Typi* modis omni-
bus cavebit, ne illi ipsi *Tituli columnares*, qui extant in veteri seu prima
Editione, præfigantur Paginis ac columnis Editionis novæ, quando in
istis non tractatur de illa ipsa materia, de qua tractabatur in Editione
prima, sive veteri, id quod præcipuè circa *Titulos* columnares PARTIS
II. est observandum; nullò autem modò est permittendum, ut *Tituli*

columnares in ulla Ephemerologij de novo imprimendi Parte omittantur; eò quòd ijs omisiss, aut perperam expressis, summa Lectoribus molestia crearetur, ob futuram nimis operosam ac difficilem indaginem in cuiusvis mensis occurrentes DOMINICAS, FERIAS, VIGILIAS, ac FESTA, Officia, ac MISSAS &c, quæ tamen omnia facillimum erit reperire, si *Tituli columnares* debitò modò fuerint expressi, & accuratè respondeant illi *Materiae*, de qua agitur in subiecta ipsis Pagina & columna, ut adeò debitè expressi futuri sint Lectoribus Libri instar alicujus accurati INDICIS.

II. Curandum, ut in Editione nova tam in citandis quibuscunque Auctoribus, eorumque *Libris & Tractatibus*, quàm etiam in allegandis Breviarij, ac Missalis Romani *Rubricis* summum adhibeatur studium, ut citationes illæ omni careant errore ac mendo. Id ipsum quoque, & quidem vel maximè, curandum in citandis ipsius Ephemerologij PARTIBUS, TITULIS, LOCIS, ac *folijs*, si alicubi, aut aliquando ex ipsomet Ephemerologio aliquæ fiant *Citationes*: circa quas tamen ipsius Ephemerologij citationes, ac allegationes (ne grandis, & summè perniciosus committatur error) notandum est diligenter, quòd, quando in nova ejus Editione citabuntur, aut citari jubebuntur ipsius Ephemerologij *folia* seu *pagina*, item *Paginarum columna* (si cum columnis imprimetur) & *columnarum*, aut *Paginarum linea*, Citationes illæ *Paginarum, columnarum*, ac *linearum* nequaquam fieri debeant prout extant, ac reperiuntur defacto in prima Ephemerologij Editione, sed quòd in nova ejus Editione illa *folia*, seu *pagina*, & illæ *columna*, ac *linea* novæ Editionis sint citandæ, in quibus agitur, aut saltem agi incipitur de illis *Materijs* ac *Rebus* in nova Editione, de quibus in Editione prima sive veteri olim in locis, in hoc ADDENDORUM ET CORRIGENDORUM OPUSCULO à me citatis, agebatur, aut agi incipiebatur: Quia enim Ephemerologium de novo editum (utpote multis in locis auctum ac immutatum) in secunda tui Editione haud paulò pluribus constabit *folijs* & consequenter etiam *columnis*, & *lineis*, ac *novis* insuper hinc inde *Materijs*, falsissimæ ac deceptorix evaderent *Citationes*, si *Pagina*, *columna*, ac *linea* veteris seu primæ Editionis citarentur in Editione nova; eò quòd sic in nova Editione nec *folia*, nec *columna*, nec *linea* citatæ, Citationi responderent (uti rem vel obiter consideranti patebit) atq; hoc pacto Editio nova vix non inutilis, ac nullius propemodum valoris evaderet; quod ne cum ingenti eorum, qui Librum, vel emere, vel vendere cupiunt, damno contingat, summam is, cuj novæ Editionis Executio, Cura, & Directio committetur, aut eam ultrò in se suscipere pro

Bonopublico lubebit, summam, inquam, adhibere diligentiam debeat, ut, quando in nova Editione *Ephemerologij* ex ipsomet *Ephemerologio*, in ejus præsertim *novi* INDICE, aut in hoc ipso ADDENDORUM & CORRIGENDORUM *Opusculo*, quæcunque loca citabuntur, illa Citatio (quantum attinet ad *Paginarum*, *Columnarum*, & *Linearum* numerum) non fiat juxta Exemplar *veteris* Editionis, nec juxta *Paginarum* & *columnarum Numerum*, qui in hoc ADDENDORUM & CORRIGENDORUM *Opusculo* allegatur, sed juxta exigentiam ipsius *novæ* Editionis: quod ut obtineatur, & executioni non admodum difficulter mandetur, necesse omnino erit, ut is, cui *novæ* Editionis cura incumbet, sedulo inquirat ac indaget, in quamam *novæ* Editionis *Pagina* & *columna* jam impressa agatur modò de illa *Materia*, cui locis, ex *veteri* Editione in hoc ADDENDORUM & CORRIGENDORUM *Opusculo* citatis, in *novæ* *Ephemerologij* Editione ex eodem hoc *Opusculo* vel *addenda*, vel *substituenda* sunt ea, quæ in *veteri* seu prima *Ephemerologij* Editione aut sunt *omissa*, aut *perperam*, vel *minus bene expressa*, aut aliter respectivè sunt *immutanda*; id quod deprehendere haud difficulter poterit inspiciendo citata ex *veteri* Editione *Ephemerologij* loca, iisque inspectis inspiciendo postmodum *Quantitatem* & *Qualitatem* *Materia*, quæ *veteris* Editionis *MATERIÆ* in *novæ* *Ephemerologij* Editione ex isto ADDENDORUM ET CORRIGENDORUM *Opusculo* vel *addi* de novo debuit juxta dicta, vel ibi positæ *substitui*; sic enim facile unà simul deprehendet illarum *Paginarum*, *columnarum*, & *linearum Numerum*, in quibus agitur in *novæ* Editione de hac vel illa *Materia*, poteruntque in *secunda* *Ephemerologij* Editione, sine errore citari, dummodo Typi curam gerens diligenter provideat, nè tam Typi Corrector, quam etiam Typographetæ seu Characterum Collocatores, & Impressores suo desint officio, sed loca dictò modò in Editione *novæ* citanda juxta Directionem ac Designationem à se factam, & non aliter citent ac imprimant, nominatim autem cavendo, ne in *novæ* Editione ille *Paginarum*, *Columnarum*, & *Linearum* numerus citetur, qui tum in hoc *Addendorum* & *Corrigendorum Opusculo*, tum etiam in ipso primitus impresso EPHEMEROLOGIO, ac hujus INDICE ab ipso Auctore citatur, sed ille, quem *novæ*, & actu sub prælo versans *Ephemerologij* Editio requirit: Quòd enim ab Auctore non modò in EPHEMEROLOGIO prius impresso, ejusque INDICE, sed etiam in ipso hoc ADDENDORUM ET CORRIGENDORUM *Opusculo*, *veteris* Editionis *Pagina*, *Columna*, ac *Linea* citentur, non ideo fit, quasi

quasi etiam in Editione nova eadem veteris Editionis *Pagina*, *Columna*, ac *Linea* cum eodem sibi adscripto numero citari debeant in futura de novo *Ephemerologij* Editione (sic enim utique Editionis novæ *Citationes* prorsus evaderent ineptæ, erroneæ, ac deceptoræ *Lectorum*) sed ideo tantum id factum, ac fieri omnino debuit ab ejus Auctore, ut novæ Editionis Curatores ac Impressores ex inspectione veteris seu primæ ab eo factæ Editionis colligere ac deprehendere possent, quibusnam in locis in veteri Editione vel fuerit aliquid *omissum*, vel in aliquo *erratum*, vel alia justâ aut utili ex causâ aliquid *mutandum*, aut *apponendum* occurrat, ut eò deprehensò in nova modò Editione, quod in veteri *omissum* est, *addi*, & quod *erratum* est, *emendari*, ac denique quod *immutandum*, aut *apponendum* est, *mutari* modò, aut *apponi* ex hoc ipso OPUSCULO (in eum finem ab Authore conscripto ac edito) possit, horum autem *Citatio* juxta novæ Editionis exigentiam regulari. Unde ulterius

III. Curandum est sollicitè, ut locis in hoc ADDENDORUM ET CORRIGENDORUM *Opusculo* indicatis ea, quæ in nova *Ephemerologij* Editione ex hoc ipso OPUSCULO partim *addenda*, partim *omittenda*, partim *mutanda*, aut *substituenda* ab Auctore præscribuntur, non aliò modò *imprimantur*, ac *exprimantur*, quàm quò in ipso hoc *Opusculo* leguntur, ac *exprimuntur*, esto in aliquibus hujus *Opusculi* locis Auctor ijs omnino contraria tradat, quæ in prima *Ephemerologij* Editione tradidit; eò quòd vel ob edita post primam *Ephemerologij* impressionem alia Decreta, aut certè ante eam ignorata, vel ob acceptas post illam meliores, quàm antea, circa nonnulla informationes, vel denique ob quosdam Errores (seriùs ab Auctore animadversos, quàm ut ab eo, utpote procul à loco impressionis commorante, corrigi in tempore potuissent) in primam Editionem irrepentes, necesse fuerit alicubi priùs assertis contradicere, alicubi verò vel *addere* aliquid in prima Editione traditis, aut ex ibi positis *omittere* aliquid, vel *immutare*: & quoniam aliqui modò dictorum Errorum, nimis serò adimadversi, etiam in ipsa ERRATORUM ET CORRIGENDORUM *Folia* [singulis EPHEMEROLOGIJ Partibus, in fine cujuslibet earum, in prima Editione appressa] irrepserunt, ideo

IV. Curandum, ut tam Corrector Typi, quàm etiam ipsi *Typothetae* seu *Characterum Collocatores*, ac *Impressores* seriò moneantur, in secundæ *Ephemerologij* Impressionem nullam ipsis habendam esse rationem dictorum *trium foliorum*, ERRATA primæ Editionis de Anno 1717.

conti-

continentium, ac proinde non juxta illa *Folia* emendanda esse primæ Editionis ERRATA in *Ephemerologij* Editione secunda, nec quoad alia in ijs contenta juxta illa se dirigere, & in imprimendo regulare se debere, sed omnia eò tantum modò esse imprimenda, ac emendanda respectivè, prout in hoc ADDENDORUM ET CORRIGENDORUM *Opusculo* etiam quoad minima præscribitur, nec permittendum, ut aliter imprimantur, etiamsi fortè *Corrector Typi*, aliussve *Typographorum Director* sibi imaginetur esse hîc vel ibi in *Opusculo* hoc erratum, aut aliter, quàm in eo habetur, hoc vel illud esse imprimendum, ne, quod in *prima Ephemerologij* Editione contigit, id etiam contingat in ejus Editione *secunda*, ut scilicet, dum *Typi Corrector*, vel alius sibi imaginatur esse *Error*em, quod non est *Error*, suam Imaginationem sequendo sit causa mendosæ Impressionis.

Hæc quatuor Capita, seu Puncta si in secunda *Ephemerologij* Editione observabuntur, sperandum omnino videtur, fore, ut, etiamsi primùm post mortem Auctoris (jamjam *Ætatis* annum 74. agentis, & paucos post menses, volente DEO, completuri) in lucem sit proditurum, id opus evadat omnibus in hoc genere numeris absolutum, præsertim, si novæ Editioni PARS quoque ejus QUARTA (quam PARATHEMATA EPHEMEROLOGIJ MISCELLANEA, *Ordine Alphabetico fusiùs digesta*, continentem, magna jam ex parte pariter pro Typo paratam habet) cum Facultate Superiorum accesserit.

Quòd si post editum hoc ADDENDORUM & CORRIGENDORUM OPUSCULUM aliqua de novo circa RITUS ECCLESIASTICOS, aut celebranda Ecclesiæ Romano-Catholicæ OFFICIA ac FESTA statuentur ac ordinabuntur, tunc etiam illa suis locis novæ EPHEMEROLOGIJ Editioni erunt inserenda, aut, si aliter fieri nequeat, in ejus fine, aut Supplemento eidem superaddenda. His præmonitis, subjungo nunc Annotationes eorum, quæ in singulis *Ephemerologij* Partibus erunt *Addenda & Corrigenda*.

ADDENDA & CORRIGENDA
IN

PARTE I.

EPHEMEROLOGII

in secunda ejus Editione.

Pag. 1.